

Na osnovu člana 54. Zakona o visokom obrazovanju („Službene novine Zeničko-dobojskog kantona“, broj: 12/22), člana 19. stav 2. Zakona o Javnoj ustanovi Univerzitet u Zenici – Prečišćeni tekst („Službene novine Zeničko-dobojskog kantona“, broj: 1/18, 10/18 i 13/21), člana 62. stav (1) Statuta Univerziteta u Zenici (Prečišćeni tekst), a u skladu sa Odlukom Upravnog odbora Univerziteta u Zenici o raspisivanju Konkursa/Natječaja za prijem studenata državljana BiH i stranih državljana na smještaj i ishranu u Studentski centar Univerziteta u Zenici u akademskoj 2025/2026. godini, broj: 01-01-1-1549/25 od 14.4.2025. godine, Univerzitet u Zenici, raspisuje

## **I**

### **KONKURS/NATJEČAJ**

#### **za prijem studenata državljana BiH i stranih državljana na smještaj i ishranu u Studentski centar Univerziteta u Zenici u akademskoj 2025/2026. godini**

## **I**

Studentski centar Univerziteta u Zenici u akademskoj 2025/2026. godini vrši prijem 220 studenata na smještaj i ishranu, državljana BiH i stranih državljana, u statusu redovnih studenata fakultetâ Univerziteta u Zenici, od kojih brućoša-studenata prve godine do 35%, a prema utvrđenim kriterijima.

## **II**

Pravo na smještaj i ishranu imaju studenti čije je mjesto prebivališta, odnosno boravišta, udaljeno od Zenice najmanje 20 km.

## **III**

Učesnici Konkursa/Natječaja iz tačke I i II dužni su dostaviti:

1. Prijavu za prijem u Studentski centar (obrazac prijave nabavlja se u Studentskom centru ili putem web stranice Centra),
2. Uvjerjenje visokoškolske ustanove da je redovan student s potvrdom o položenim ispitima iz prethodnih akademskih godina ili ovjerena kopija indeksa sa ocjenama – novoupisani studenti podnose ovjerenu kopiju svjedočanstva iz IV razreda,
3. Uvjerjenje o zajedničkom domaćinstvu (kućna lista) i primanja po članu domaćinstva (materijalni cenzus) po osnovu:
  - lice na birou rada: potvrda sa biroa,
  - lice koje nema status zaposlenika i nije na birou: ovjerena kopija zdravstvene knjižice,
  - lice koje pohađa školu ili fakultet: potvrda iz škole ili fakulteta,
  - malodobno dijete do polaska u školu: ovjerena kopija zdravstvene knjižice,
  - lice koje je u radnom odnosu: tri zadnje platne liste,
  - lice koje je u penziji: tri zadnja platna čeka.
4. Potvrda o mjestu stalnog boravka (CIPS) i kopija lične karte (za strane državljane kopija pasoša),
5. Opću uplatnicu na iznos od 10,00 KM za troškove obrade podataka (na žiro-račun broj: 1340100000001672, vrsta prihoda 722659, općina 103, budžetska organizacija 2204010, poziv na broj 4810011448),
6. Ovjerena garancija o preuzimanju obaveza nastalih po osnovu korištenja Studentskog centra u opštini ili kod notara (obrazac garancije nabavlja se u Studentskom centru ili putem web stranice Centra). Lice koje je garant treba priložiti sljedeće dokumente uz Garanciju:

- ako je zaposlenik: priložiti potvrdu o stalnom radnom odnosu i tri posljednje platne liste,
- ako je penzioner: priložiti tri posljednja čeka od penzije i ovjerenu kopiju rješenja o penzionisanju,
- ako je vlasnik kompanije: garancija se ovjerava pečatom kompanije i vlastoručnim potpisom ovlaštenog lica kompanije, uz prilaženu ovjerenu kopiju ID i PDV broja kompanije.

Učesnici Konkursa/Natječaja koji po osnovu određenog statusa, pripadnosti određenoj populaciji ili po drugom osnovu, u skladu s utvrđenim kriterijima, ostvaruju dodatne bodove iste dokazuju dostavljanjem:

1. Potvrda-uvjerenje o osvojenim nagradama u nastavnim i sportskim takmičenjima (na kantonalnim, federalnim, državnim i međunarodnim takmičenjima),
2. Potvrda o stepenu invalidnosti (lične, roditelja i staratelja),
3. Potvrda o poginulim, nestalim i umrlim članovima uže porodice,
4. Potvrda o logoraškom statusu, ličnom ili roditelja, odnosno staratelja (izdata od Međunarodnog Crvenog krsta),
5. Potvrda o učešću u OS RBiH roditelja (provedeno vrijeme),
6. Potvrda od nadležne institucije o izbjegličkom (raseljeničkom) statusu,

Studenti strani državljani-učesnici Konkursa dužni su dostaviti dokumenta iz tačke III pod rednim brojem: 1, 2, 4, 5, 6.

Navedena dokumenta moraju biti izdata od nadležnih institucija odnosno organa (original ili ovjerena kopija) i ne smiju biti starija od 6 mjeseci.

Nepotpuna i neblagovremeno dostavljena dokumentacija neće se razmatrati.

#### IV

Rangiranje kandidata obavit će komisija za prijem na osnovu utvrđenih kriterija i zbrajanja ukupnog broja bodova dobivenih iz dostavljenih podataka i dokumenata koja se traže ovim Konkursom/Natječajem.

Rang lista studenata bit će objavljena na oglasnoj ploči Studentskog centra Univerziteta u Zenici, kao i web stranici Centra.

Prilikom sklapanja ugovora o korištenju smještaja i ishrane studenti su dužni priložiti ljekarsko uvjerenje o podobnosti za kolektivno stanovanje i obavezni su se besplatno uslikati u upravi Centra.

#### V

Novoupisani studenti - brucoši obavezni su dostaviti potvrdu o upisu na fakultet prilikom zaduživanja u Studentski centar.

Studenti starijih godina studija koji su privremeno primljeni po Konkursu/Natječaju u Studentski centar na smještaj i ishranu obavezni su konkurisati i dostaviti potvrdu o upisu na fakultet u akademskoj 2025/2026. godini najkasnije do 01.11.2025. godine radi regulisanja smještaja, jer u protivnom gube pravo na smještaj.

#### VI

Konkurs/Natječaj ostaje otvoren 30 dana od dana objavljivanja u javnom glasilu, a u slučaju nedovoljnog broja primljenih kandidata bit će objavljen naknadni Konkurs/Natječaj početkom oktobra/listopada 2025. godine.

Prijave na Konkurs/Natječaj mogu se dostaviti lično ili putem pošte na adresu:

JU UNIVERZITET U ZENICI  
OJ STUDENTSKI CENTAR  
Ul. Crkvice br.50, Zenici